

ANEXO II

Núm.	Documento
1	Anexo I: solicitude.
2	DNI da solicitante (resolución de convocatoria, artigo 6.1º).
3	Documento de constitución da sociedade (resolución de convocatoria, artigo 6.1º).
4	Documentación acreditativa de representatividade suficiente (resolución de convocatoria, artigo 6.1º).
5	CIF da empresa (resolución de convocatoria, artigo 6.1º).
6	Anexo II: datos das persoas promotoras (resolución de convocatoria, artigo 6.2º).
7	Currículos das persoas promotoras e cadro de persoal (resolución de convocatoria, artigo 6.2º).
8	Informes de vida laboral actualizados das promotoras (resolución de convocatoria, artigo 6.3º).
9	Certificación da AEAT que reflicta a data da alta fiscal ou alta censual (resolución de convocatoria, artigo 6.4º).
10	Memoria descritiva do proxecto (resolución de convocatoria, artigo 6.5º).
11	Anexo III: memoria económica (resolución de convocatoria, artigo 6.6º).
12	Anexo IV: compromiso de creación de postos de traballo por conta allea (resolución de convocatoria, artigo 6.7º).
13	Anexo V: declaración de axudas (resolución de convocatoria, artigo 6.8º).
14	Certificación da conta bancaria (resolución de convocatoria, artigo 6.9º).
15	Documentación acreditativa das situacións específicas para valoración establecidas no artigo 12 (resolución de convocatoria, artigo 6.10º).
16	Acordo laboral e/ou acordos de teletraballo segundo establece o artigo 5.5º da resolución de convocatoria.
17	Certificado da AEAT sobre cumprimento de obrigas tributarias estatais.
18	Certificado da TXSS sobre o cumprimento das obrigas coa Seguridade Social.
19	Certificado da Consellería de Facenda de estar ao día nas obrigas tributarias e non ter pendente de pagamento ningunha outra débeda, por ningún concepto, coa administración autonómica.
20	Resolución de recoñecemento da alta en autónomos.
21	Documentación acreditativa da compatibilidade do traballo desenvolvido como autónoma e o desenvolvido como traballador por conta allea.

IV. OPOSICIÓN E CONCURSOS

CONSELLERÍA DE FACENDA

Orde do 28 de outubro de 2009 pola que se nomean os membros do tribunal que deberá cualificar o proceso selectivo para o ingreso no corpo superior da Administración da Xunta de Galicia, subgrupo A1, escala de letrados.

Unha vez convocado o proceso selectivo para o ingreso no corpo superior da Administración da Xunta de Galicia, subgrupo A1, escala de letrados, pola orde da Consellería de Facenda do 13 de xullo de 2009, publicada no *Diario Oficial de Galicia* número 138, do 16 de xullo, e de conformidade co establecido nas bases da convocatoria, esta consellería

DISPÓN:

Nomear o tribunal que deberá cualificar o proceso selectivo para o ingreso no corpo superior da Administración da Xunta de Galicia, subgrupo A1, escala de letrados, coa composición que se relaciona no anexo.

Santiago de Compostela, 28 de outubro de 2009.

Marta Fernández Currás
Conseleira de Facenda

ANEXO

Corpo superior da Administración da Xunta de Galicia,
subgrupo A1, escala de letrados

Tribunal titular:

Presidencia:

-Isabel Torralba Mena.

Secretaría:

-M^a Jesús Lorenzana Somoza.

Vogais:

-Ana Díaz Martínez.

-Manuel Domínguez López.

-M^a del Socorro Martín Hierro.

Tribunal suplente:

Presidencia:

-Lorena Otero López.

Secretaría:

-Carmen M^a Salgueiro Moreira.

Vogais:

-Luis Míguez Macho.

-Julio César Díaz Casales.

-Luis Vázquez Caruncho.

Resolución do 29 de outubro de 2009, do tribunal designado para xulgar o proceso selectivo para o ingreso no corpo de xestión da Administración da Xunta de Galicia, subgrupo A2, escala técnica de inspección de consumo, convocado pola Orde do 21 de novembro de 2008 (Diario Oficial de Galicia número 236, do 4 de decembro), pola que se dá publicidade ao número total de respostas acertadas para obter a cualificación de aprobado.

En sesión que tivo lugar o día 29 de outubro de 2009, o tribunal nomeado pola Orde do 30 de setembro de

2009 para cualificar o proceso selectivo para o ingreso no corpo de xestión da Administración da Xunta de Galicia, subgrupo A2, escala técnica de inspección de consumo, adoptou os seguintes acordos respecto da realización do primeiro exercicio, de conformidade co disposto na base II.1.1.1 da convocatoria,

Primeiro.-Para o sistema de promoción interna, o número total de respostas acertadas para obter a cualificación de aprobado (10 puntos) virá dado polo número de respostas acertadas que teña o aspirante que quede clasificado na posición cuarta (4ª) nunha escala establecida entre o aspirante de máis respostas acertadas e o de menos. Se houberse varios aspirantes con igual número de respostas acertadas que o que ocupe o posto número 4, entenderase que todos eles estarán aprobados. Para os efectos do dito ata agora enténdese como respostas acertadas as que queden despois de deducir as respostas incorrectas, tal e como establece a base II.1.1.

Segundo.-Para o sistema de acceso libre, o número total de respostas acertadas para obter a cualificación de aprobado (10 puntos) virá dado polo número de respostas acertadas que teña o aspirante que quede clasificado na posición quincuaxésima (50ª) nunha escala establecida entre o aspirante de máis respostas acertadas e o de menos. Se houberse varios aspirantes con igual número de respostas acertadas que o que ocupe o posto número 50, entenderase que todos eles estarán aprobados. Para os efectos do dito ata agora enténdese como respostas acertadas as que queden despois de deducir as respostas incorrectas, tal e como establece a base II.1.1.

Santiago de Compostela, 29 de outubro de 2009.

Antonio Baeza Barrantes
Presidente do tribunal

CONSELLERÍA DE EDUCACIÓN E ORDENACIÓN UNIVERSITARIA

Anuncio do 28 de outubro de 2009, da Dirección Xeral de Centros e Recursos Humanos, polo que se comunica a publicación das puntuacións provisionais e a relación de excluídos do baremo aberto polo Anuncio do 7 de outubro de 2009 polo que se comunica a apertura dun prazo para solicitar prazas de interinidades e substitucións no corpo profesores de música e artes escénicas, especialidades de violoncello (594434) entre outros.

Rematado o prazo para presentar a solicitude e realizada a baremación dos méritos, procede a publicación das puntuacións provisionais e a relación de excluídos no taboleiro de anuncios da Consellería de Educación e Ordenación Universitaria,

nos seus departamentos territoriais e na páxina web desta consellería.

En consecuencia, esta dirección xeral

RESOLVE:

Primeiro.-Facer públicas na Consellería de Educación e Ordenación Universitaria, nos seus departamentos territoriais e na páxina web desta consellería (<http://www.edu.xunta.es/profesorado/interinos-sustitutos>) as puntuacións provisionais e a relación de excluídos do baremo para prazas de interinidades e substitucións para impartir docencia no corpo de profesores de música e artes escénicas, especialidades de violoncello (594434).

Segundo.-Publicar a relación de excluídos no anexo deste anuncio.

Terceiro.-Contra estas puntuacións provisionais poderase interpoñer reclamación no prazo de dez días naturais, a partir do día seguinte ao da publicación deste anuncio no *Diario Oficial de Galicia*, ante o director xeral de Centros e Recursos Humanos da Consellería de Educación e Ordenación Universitaria.

Santiago de Compostela, 28 de outubro de 2009.

José Manuel Pinal Rodríguez
Director xeral de Centros e Recursos Humanos

ANEXO

Apelidos e nome	DNI	Causa
Gómez Molina, Rocío	28627567-L	1
Kolar Palkouska, Vera	45905855-V	2

Causas exclusión:

1-Non presentou titulación

2-Fóra de prazo

Anuncio do 28 de outubro de 2009, da Dirección Xeral de Centros e Recursos Humanos, polo que se emprazan os/as interesados/as no procedemento ordinario 243/2009, interposto por Rebeca Martínez Graña.

Esta consellería recibiu un oficio do Xulgado do Contencioso-Administrativo número tres da Coruña, do 8 de xullo de 2009, mediante o que se comunica a interposición por Rebeca Martínez Graña de recurso contencioso-administrativo contra a desestimación por silencio administrativo do escrito presentado pola demandante o 29 de outubro de 2008, en que solicitaba que se crease unha lista única para a cobertura de prazas, en calidade de interino ou substituto, da especialidade de español para estranxeiros do corpo de profesores de escolas oficiais de idiomas. O dito recurso contencioso-administrativo tramítase como procedemento ordinario 243/2009 no Xulgado do Contencioso-Administrativo número tres da Coruña.